

Preplašeni alarmom pobjegli s plijenom od 70 KM

26/02/2009 00:02 by Administrator

Dvije maskirane i naoružane osobe jučer su u ranim jutarnjim satima ukrale 70 maraka u NLB Razvojnoj banci u Banjoj Luci i to od klijenta koji je došao predati pazar, potvrđeno nam je u CJB Banja Luka.

Prijetnje pištoljem

Uz prijetnju pištoljem i sa fantomkama na glavama, pljačkaši, koje su nam jučer na licu mjesta u banjalučkom naselju Budak oševici opisali kao mlade muškarce, ušli su u banku i od radnica zatražili novac iz trezora.

S obzirom da je službeni pult osiguran i tamnim neprobojnim staklima, radnice nisu poslušale pljačake, nego su aktivirale alarm. Razbojnici su za to vrijeme zatražili od klijenta koji je predavao pazar preduzeća "Mikropek" da im preda novac, a potom su se udaljili u nepoznatom pravcu.

Radnik ovog preduzeća, koji je insistirao na anonimnosti, potvrdio je jučer za naš list da je kod sebe imao 70 maraka, koliko je i dao pljačkajima. NLB Razvojna banka je jedna od bankarskih poslovnica u gradu koja je najčešće meta pljačaka. Ove godine u decembru je iz iste poslovnice odneseno 50.900 maraka i na videonadzoru, kao i u ovom slučaju, snimljeni su pljačkaši.

Nezvanično saznajemo da je policija jučer odmah privela dvije osobe za koje postoji osnovana sumnja da su izvršiocima ovog krivičnog djela, međutim, do zaključenja ovog broja niko iz CJB Banja Luka nije nam mogao ništa više reći o tome.

Autor: V. S.

Izvor vijesti: Dnevni Avaz